



LE GOUVERNEMENT
DU GRAND-DUCHÉ DE LUXEMBOURG
Ministère de la Santé
et de la Sécurité sociale

Äntwert vun der Madamm Ministesch fir Gesondheet a sozial Sécherheet op d'parlamentaresch Fro n° 2878 vum 16. September 2025 vum honorabelen Deputéierten Här Sven Clement.

1. Ass et richtig, datt d'Ministesesch an engem rezente Bréif Aspuerung vu 17 Prozent bei de Laboratoiresanalysen gefuerdert huet? Wann jo, op wéi enger Basis gëtt dës nei Fuerderung gerechtfäerdeg?

D'Aspuerung vu 17% bei de Laboratoiresanalysen ass keng Fuerderung, mee ee Constat deen an engem Courrier festgehale gouf. Et war eng Estimatioun iwwer di méiglech Baisse déi sech zesummesetzt aus enger Reduktioun vun der Lettre-clé ëm 10%, wéi se am Gesetz betreffend de Staatsbudget fir d'Recetten an d'Ausgaben am Joer 2025 festgeluecht gouf, an zousätzlech kommen Erspuernisser dobäi, duerch d'Verstärkung vum Encadrement bei der Iwwerhuelung vu bestëmmten actes d'analyses de biologie médicale. Dës goufen no enger Aktualiséierung vun de Kumulregelen an de "bonnes pratiques" en place gesaat a betreffe besonnesch d'Akten BD104 (Vitamin D) an BC191 (Vitamin B12). Et ass wichteg ze betounen, dass déi 17% en theoretischen Impakt duerstellen. Reell si mat den Donnéeën déi am September zur Verfügung stinn eng 10% Reduktioun vun den Ausgaben ze gesi well en Deel schonn duerch eng Hausse vun der Aktivitéit kompenséiert ginn ass, déi sech zum Deel duerch eng Steigerung vun der Population protégée erkläre léisst.

2. Wéi evaluéiert d'Ministesesch déi Efforte, déi d'FLAM-Membere bis dohin ënnerholl hunn, fir ronn 10 Prozent vun de Käschten ze spueren? Gëtt dës Leeschtung als onzoureechend ugesinn?

D'Zuelen déi zu eiser Verfügung stinn, weisen dat op der Säit vun de Kumulregelen an de "bonnes pratiques", d'Aspuerung gräifen. D'Zuele mussen sech awer nach iwwert Zäit confirméieren.

3. Wéi garantéiert d'Ministesesch, datt dës Spuerpolitik net op Käschte vun der Qualitéit vun de medezinesche Laboratoiressevicen geet a mat de beruffleche Standarden am Aklang bleift?

Déi uewe genannte Measure ginn zesummen an enger Nomenclaturescommissioun zeréckbehalen a bezeien sech op international Recommandatiounen wéi se och am Ausland gëllen. Déi zoustänneg Institutiounen stinn a regelméissegem Kontakt mat de Laboratoiren. Op eventuell Erausfuerderunge kéint soumat schnell reagéiert ginn.

4. Wéi eng Spuerpolitik ginn aktuell bei den anere konventionéierte Prestatairen aus dem Gesondheitssecteur vun der Gesondheitskeess gefuerdert a wéi vill Prozent Reduktioun mussen déi jee weils erreechen?

Fir aner konventionéiert Prestatairen, viséiert vum Artikel 61, Alinéa 2, Punkten 1) bis 3), 12) an 13) vum Code de la sécurité sociale („CSS“) ass am Artikel 67 vum CSS virgesinn : “[...] Pour les lettres-clés visées à l’alinéa 2 de l’article 66, cette revalorisation ne saurait dépasser la variation du revenu moyen cotisable, déterminé à la valeur cent de l’indice pondéré du coût de la vie, des assurés actifs entre la quatrième et la deuxième année précédant l’exercice au cours de laquelle la nouvelle valeur s’applique. [...]”. De jee weilege Maximum vun esou enger Revalorisatioun vun der Valeur lettre-clé ass duerch den Artikel 67, alinéa 1 vum CSS festgeluecht. All Kéier, wou de jee weilege Maximum net zeréckbehalen gëtt an der Fixatioun vun der jee weilege Valeur lettre-clé, dréit dëst indirekt derzou bäi, dass d'Steigerung vun den



Depense méi no kënt zu der Evolutioun vun de Recetten. Dëst, well d'Valeur lettre-clé Follgendes duerstellt :

$$\text{VLC} = \frac{(\text{Revenu moyen cotisable} \times \text{Evolutioun vun der Unzuel un Assurés})}{\text{Volumes vun den actes et services pris en charge}}$$

De follgende Prestatairë gouf de Maximum vun der eventuell méiglecher Valeur lettre-clé an de leschten Tarif-Verhandlungen net accordéiert:

- Diététiciens,
- Infirmiers,
- Orthophonistes,
- Psychomotriciens,
- Sages-femmes,
- Soins palliatifs.

Duerch den Decalage an deem d'Assurée kënnen eng Prise en charge bei der Assurance maladie-maternité froen¹, ass et ze fréi, fir de Prozent vun der Reduktioun vun den Depense, déi vun de jeeweilige Prestataire generéiert ginn, fiabel ze chiffrieren.

Wat d'Revalorisatioun vun der Lettre-clé vun den actes et services vun den Doktere fir d'Joer 2025 an 2026 ugeet, ass d'Mediatiounsprozedur, déi Ufank 2025 gestart gouf, am September 2025 gescheitert. Dofir gouf de Litige tëscht der CNS an der AMMD konform zu den Dispositiounen vum CSS un de Conseil supérieur de la sécurité sociale weidergeleet. Dat selwecht ass och de Fall bei den Zänndokteren. Wat d'Revalorisatioun vun der Lettre-clé vun de Masseurs-Kinésithérapeutes betrëfft fir d'Joer 2025 an 2026, war d'Mediatioun nach amgaangen zum Zäitpunkt vun der Redaktioun vun dëser Äntwert.

5. Plangt d'Regierung weider Consultatiounen mat de concernéierte Beruffsorganisatiounen, bevir definitiv Decisiounen iwver dës Aspuerunge geholl ginn, vue dass Regierungsdecisiounen Verhandlungen kënnen virentscheeden?

De Code de la sécurité sociale gesäit vir dat d'Finanzsituatioun vun der Assurance Maladie-Maternité am Kader vum Comité quadripartite nogekuckt gëtt. Thematik vun der « *Feuille de route pour une trajectoire d'ajustement graduelle permettant de rétablir une situation financière saine et durable dans le chef de l'assurance maladie-maternité* » war um Ordre du jour vum Comité quadripartite den 13. Oktober 2025 a gëtt zesumme mat de Beruffsorganisatiounen an de nächste Méint diskutéiert an ëmgesat.

Lëtzebuerg, den 17. Oktober 2025

D'Ministesch fir Gesondheet
a sozial Sécherheet

(s.) Martine Deprez

¹ Den Artikel 84, Alinéa 3 gesäit fir, dass d'Assurés ab dem Moment, wou si de Prestataire bezuelt hunn, zwee Joer Zäit fir eng Prise en charge bei der Assurance maladie ze froen.